

Na osnovu člana 72. Zakona o javnim nabavkama („Službeni glasnik BiH“, broj: 39/14 i 59/22) nabavku Održavanja DMS softvera, zaključen je

## **U G O V O R** **O ODRŽAVANJU DMS software**

Između:

Ministarstvo spoljne trgovine i ekonomskih odnosa Bosne i Hercegovine, Musala 9, 71000 Sarajevo, ID broj: 4200071920007, koje zastupa ministar Staša Košarac (u daljem tekstu :Ugovorni organ)

i

Orka d.o.o. Sarajevo, ulica: Mula Mustafe Bašeskije 6, 71000 Sarajevo, ID broj: 4200891300003 (u daljem tekstu: Dobavljač), koga zastupa Nihad Salkić, direktor .

### **Član 1.** **(Predmet)**

(1) Predmet ovog Ugovora je usluga održavanja DMS softvera, a sve prema uslovima, jediničnim cijenama, količinama i tehničkim karakteristikama definisanim u Ponudi, broj: P-24-0010-2 od 12. 3. 2024. godine, koju je Ugovorni organ prihvatio kao prihvatljivu dostavljenu po konkurentskom zahtjevu, broj obavještenja na Portalu JN 673-7-2-8-3-15/24 od 20. 2. 2024. godine, i Tenderskoj dokumentaciji, broj:11-3-02-585-1/24.

(2) Ovaj ugovor se zaključuje nakon provedenog postupka javne nabavke putem konkurentskog zahtjeva za dostavljanje ponuda i donošenja Odluke o dodjeli ugovora broj: 11-3-02-585-5/24 od 15. 3. 2024. godine.

### **Član 2.** **(Vrijednost Ugovora)**

Ugovorena vrijednost ovog Ugovora je 17.550,00 KM, sa PDV-om.

### **Član 3.** **(Obaveze Pružaoca usluge)**

- (1) Pružalac usluge je obavezan da vrši uslugu iz tehničke dokumentacije, za ugovoreni period.
- (2) Pružalac usluge je obavezan na nepromjenjivost cijena iz ponude tokom ugovorenog perioda.
- (3) Pružalac usluge je u obavezi dostaviti garanciju za uredno izvršenje ugovora u roku od 10 dana od dana obostranog potpisivanja ovog Ugovora, u obliku bezuslovne bankarske garancije, u iznosu od 5% od vrijednosti ovog Ugovora, sa periodom važenja 30 dana dužim od važenja ovog Ugovora, naplativom na prvi poziv.

- (4) Ukoliko garancija za dobro izvršenje posla nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni sporazum će se smatrati apsolutno ništavim.
- (5) Pružalac usluge je dužan sačiniti fakture koje dostavlja na mjesečnom nivou, u skladu sa odredbama pozitivnih propisa iz oblasti poreza, i na fakturi naznačiti broj ugovora po osnovu koga je izvršena usluga, a u suprotnom ista neće biti plaćena i biće vraćena na usklađivanje.
- (6) Uslovi plaćanja i drugi uslovi koje Pružalac usluge jednostrano unese u fakturu ne obavezuju Ugovorni organ ni onda kada je fakturu primio, a nije joj prigovorio.
- (7) Pružalac usluge se obavezuje da uslugu koja je predmet ovog ugovora vrši u skladu sa ponudom iz člana 1. stava (1) i ugovorom.

#### **Član 4.** **(Obaveze Ugovornog organa)**

- (1) Ugovorni organ se obavezuje da će izvršiti plaćanje ugovorenog iznosa sa PDV-om iz člana 2. ovog Ugovora, **u roku 30 dana**, računajući od dana dostavljene fakture za izvršenu uslugu.
- (2) Plaćanje se obavlja na transakcioni račun Pružaocu usluge.

#### **Član 5.** **(Kašnjenje u izvršenju usluge)**

- (1) U slučaju kašnjenja u izvršenju isporuke usluge iz člana 1. ovog Ugovora, do kojeg je došlo krivicom Pružaoca usluge, isti će platiti ugovornu kaznu u skladu sa Zakonom o obligacionim odnosima u iznosu od 1%, za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti usluge koja je predmet tenderske ponude.
- (2) Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

#### **Član 6.** **(Sukob interesa)**

Pružalac usluge nema pravo zapošljavati u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana stručnog lica koje je angažovala Komisija za javne nabavke, najmanje 6 (šest) mjeseci po zaključenju ugovora, odnosno od početka realizacije ugovora.

#### **Član 7.** **(Odredbe Zakona o obligacionim odnosima)**

Ugovorne strane su dužne da primjenjuju odredbe Zakona o obligacionim odnosima i drugih pozitivnih propisa u pogledu prava, obaveza i odnosa koji nisu regulisani odredbama ovog Ugovora, a koji nastanu u vezi i povodom izvršenja ovog Ugovora.

**Član 8.**  
**(Rješavanje sporova)**

Ugovorne strane sve eventualne sporove rješavaju mirnim putem. Ukoliko do mirenja ne dođe, nadležan je Sud Bosne i Hercegovine u Sarajevu.

**Član 9.**  
**(Završne odredbe)**

- (1) Ugovor je punovažan i proizvodi pravno dejstvo nakon što ga potpišu obje Ugovorne strane.
- (2) Ugovor je sačinjen u četiri istovjetna primjerka, od kojih svaka ugovorna strana zadržava po dva primjerka.

**Za Pružaoca usluge**  
**Nihad Salkić**  
Direktor  
BROJ: 11-3-02-585-9/24-0032

**Za Kupca:**  
**Staša Košarac**  
Ministar

**Broj: 11-3-02-585- 9 /24**

**Datum: 15.04. 2024. godine.**